

祖常幽館許肇靈閣

真誥大茅西平山俗謂之方山下有洞室名曰方臺其洞與華陽相通號爲幽館惟得道者處焉祖常託醉墜車而死隱身幽館修守一之業而成道

又許肇字子阿長史七世祖也肇有賑死之仁拯飢之德至許暎被三官遣使執之而暎叱其使曰我七世祖積仁著德音和鳥獸救人之患如已之疾已死之命在於阿手窮垂之身撫之如子度脫凶年仁德不墜是以功書上帝德刊靈閣故使度世者五登仙者三汝可知乎

孔昇霍鶴華陀五禽

道藏輯要

三洞羣仙錄

十五

翼集四
川文川

天寶遺事明皇自爲上皇嘗玩一紫玉笛一日吹笛有霍鶴下顧左右曰上帝召吾爲孔昇真人未幾而仙去

魏書華陀字元化善養生年百歲猶有少容弟子廣陵吳普彭城樊阿受術於陀時語普曰體欲得勞但不當令極耳身常能動搖則穀悉消化血脈通流病乃不生譬戶樞不蠹之義是也昔有道士鮑倩爲引導之事作熊經鳥伸引挽腰脊動關節以求難老吾有一術名五禽戲也

仙人毀壁貧士施金

七命注昔有仙人見二人爭寶仙人乃自毀千金壁二人曰彼千金壁尙且不愛况此乎二人爭訟遂息

文選